
პრეს რელიზი

რიცხვი: 3 ივლისი 2017 წელი

კონტაქტი: ირმა გოგოტიშვილი
მარკეტინგი & კომუნიკაციები, PwC საქართველო
ბამბის რიგის ქ. #7
+995 32 2508050
irma.gogotishvili@ge.pwc.com

PwC-ის პირველი ქართველი პარტნიორი ჰყავს.

2017 წლის 1 ივლისიდან ლაშა ჯანელიძე გამოცხადდა პროფესიული მომსახურების ფირმა PwC საქართველოს (ფრაისვოთერჰაუსკუპერსი) აუდიტის პარტნიორად.

ლაშა, PwC საქართველოს დაარსების პირველივე დღიდან, აქტიურად ზრუნავდა ფირმის განვითარებაზე და უდიდესი წვლილი მიუძღვის მის დამოუკიდებელ ბრენდად ჩამოყალიბებაში. წლების განმავლობაში იგი თანამშრომლობდა PwC-ის აუდიტორულ, საკონსულტაციო, საგადასახადო და სამართლებრივი სფეროებში მომუშავე გუნდებთან და მათთან ერთად ქმნიდა მნიშვნელოვან ღირებულებებს სხვადასხვა ინდუსტრიაში მოღვაწე ადგილობრივ თუ საერთაშორისო კომპანიებისათვის.

*“ახალი პარტნიორის მიღება PwC-ის პრაქტიკის ზრდისა და განვითარების კიდევ ერთი მტკიცებულებაა. ეს მნიშვნელოვანი ეტაპია ჩვენი ხალხის კარიერაში! PwC-ის პარტნიორები წარმოადგენენ ღირსეულ ხელმძღვანელებს, რომელთა მოწოდება საკუთარი თავის და გუნდის წევრების განვითარებაა. მინდა გულწრფელად მივულოცო ლაშას და PwC საქართველოს”. - **ოლგა გრიგორი სიდონს**, PwC, აღმასრულებელი დირექტორი, ცენტრალური და აღმოსავლეთ ევროპა.*

ლაშას, სხვადასხვა ინდუსტრიაში მოღვაწე წამყვან ქართულ კომპანიებთან მუშაობის, 15 წლიანი პროფესიული გამოცდილება აქვს. იგი არის სერტიფიცირებულ ნაფიც ბუღალტერთა ასოციაციის დიპლომირებული წევრი (FCCA).

*“ლაშა 2005 წლის ივლისიდან ჩართულია PwC საქართველოს ოფისის განვითარების პროცესებში. ეს ნამდვილად ისტორიული მომენტი, რადგან იგი ფრაისვოთერჰაუსკუპერსის პირველი ქართველი პარტნიორია. ვამაყობ ჩემს გუნდთან ერთად და დარწმუნებული ვარ ლაშა ჯანელიძე, როგორც პარტნიორი თავისი ჩვეული პროფესიონალიზმით განაგრძობს PwC-ის შემდგომ ზრდას და განვითარებას საქართველოს ბაზარზე”. - **ალტაფ ტაპია**, მმართველი პარტნიორი, PwC საქართველო.*

*“ჩემი კარიერა PwC-ის თბილისის ოფისის გახსნის პირველივე დღიდან დაიწყო აუდიტის დეპარტამენტის უმცროსი მენეჯერის თანამდებობაზე. განვლილი 12 წელიწადი საშუალებას მძღვეს აღვნიშნო, რომ PwC მართლაც უნიკალური და განსაკუთრებულია. ჩემი წარმატება PwC საქართველოს მთელი გუნდის წარმატებაა. მათი უდიდესი მხარდაჭერა და შრომისმოყვარეობა საფუძვლად უდევს ყველა ჩემს მიღწევას. როგორც პარტნიორს, ყველაზე მეტად მახარებს ის, რომ შესაძლებლობა მექნება სიახლეების დანერგვასთან ერთად ვიზრუნო PwC საქართველოს მომავალი თაობის ლიდერებად აღზრდასა და განვითარებაზე.” - **ლაშა ჯანელიძე**, აუდიტის პარტნიორი, PwC საქართველო.*

PwC ყოველთვის ისწრაფის საკუთარ თანამშრომლებს საუკეთესო კარიერული განვითარების შესაძლებლობები შესთავაზოს, მსგავსი დაწინაურებები PwC-ის სტრატეგიის მხოლოდ ერთი ნაწილია - ეს თავისთავად გულისხმობს ისეთი მაღალკვალიფიციური კადრის შენარჩუნებას, რომელიც მზად არის გაუმკლავდეს ბიზნესის ყველა რთულ გამოწვევას.

PwC-ის შესახებ

PwC-ში ჩვენი მიზანია საზოგადოების ნდობის მოპოვება და მნიშვნელოვანი პრობლემების გადაწყვეტაში მათი დახმარება. ჩვენს ქსელში შემავალი ფირმები 157 ქვეყანაშია განთავსებული და მასში დასაქმებულია 223.000-ზე მეტი ადამიანი, რომლებიც უზრუნველყოფენ მაღალხარისხიან აუდიტორულ, საკონსულტაციო, საგადასახადო და იურიდიულ მომსახურებებს. მეტი ინფორმაციის მისაღებად და ასევე თქვენი მოსაზრებების გამოსახატავად გთხოვთ იხილოთ ვებ-გვერდი www.pwc.com.

PwC საქართველოს ოფისი გაიხსნა 2005 წელს და 12 წელია აქტიურად მუშაობს საქართველოს ბაზარზე. ჩვენ, ფრაისვოთერჰაუსკუპერს ცენტრალური აზია და კავკასია ბი.ვი საქართველოს ფილიალი (PwC საქართველო) ვმუშაობთ, რომ დავეხმაროთ ჩვენს კლიენტებს გახდნენ უფრო წარმატებულები და გლობალურად კონკურენტუნარიანები. დღეს თბილისის ოფისში დასაქმებულია 70-ზე მეტი თანამშრომელი და 2 პარტნიორი.

"PwC" წარმოადგენს ფრაისვოთერჰაუსკუპერს ინტერნეიშენალ ლიმიტედ-ის კომპანიების ქსელს, რომელთაგან თითოეული არის ცალ-ცალკე დამოუკიდებელი იურიდიული პირი. დეტალური ინფორმაციისათვის იხილეთ www.pwc.com/structure.

©2017 ფრაისვოთერჰაუსკუპერსი. ყველა უფლება დაცულია